

Suenmak Daxdaiq

外婆的百果园

Bi' gvaq sujyay, bohnax daiq gou, dahnuengx caeuq song boux biujcej bae lajmbanj ranzdaiq guhcaemz. Ranz daxdaiq dwg giz dieg gou cei siengi bae haenx, daegbied dwg seizhah, doenghgiy lwgbieng, gveswhgvah, lwgfaeg, lwggwz, haeuxyangz, duhbwn haenx, cungj baenz aen lo, lox vunz maij dangqmaz. Seizneix, gou mboujdan miz fuk ndaej raen gijde, lij miz fuk ndaej gwn gijde.

Swnh rumz ndatfwdfwd, dou daeujdaengz ranz daxdaiq. Dou caeuq daxdaiq bae ndaw suen mbaet lwgbieng gonq, ndaejraen gij gau heuloeg haenx nem diuz faexcuk gag ietraez hwnj gwnz bae, raih rim daengx aen gyanghongh. Gij mbaw hung haenx, mwngz caenx gou, gou cengj mwngz, mbouj doxnyienh, youh doxing dwk, lumj gaiq baexdangj heuloeg ndeu. Dou moix boux vunz cungj mbaet aen lwgbieng he, aeu raemxsaw cueg baez ndeu couh gwn lo, lwgbieng byoiqcadcad, oiocupcup, raemx lwgbieng cungj rim aen bak liux.

Ndwn youq laj gaq gveswhgvah, ndit daj geh

mbaw laeuh gvaqdaej, gwnz ndang gou lumj vanq le caengz faenjgim ndeu. Va' gveswhgvah henj-rwgrwg, youq ndaw rumz biyaegyaeg, couh lumj duzmbaj diuqfoux yebye ne. Gvaq geij ngoenz le, couh miz aen gveswhgvah heusausau he venj roengzdaej. Duz biengzbeih miz saek seiz dingz youq baihgwnz, duzrwi youq gyang vagve baebae dauqdaej, ndaw suenmak yaek guh diuqfoux biujyenj lo.

Lwggwz miz aen heu aen aej, mbaeng aen ndoj youq laj mbaw yietliengz, miz mbaeng aen youq laj ndit deng ndit ciuq ndaej ronghgywgyw. Makyungz ronghngaungau, miz mbaeng heu lumj feijcui, miz mbaeng hoengz lumj majnauj, aenaen luenzlulu, dwggayez dangqmaz. Dou moix boux mbaet aen makyungz ndeu, buet daengz henz dah swiq, mboujguenj sam caet ngeihcib it gwn hwnjdaej. Makyungz miz di soemj youh miz di van, raemx makyungz rim aen bak bae, lij ndik youq gwnz vunj gou, lumj siuq duzmbaj hoengz youq gwnz vunj nei.



Gou lij caeuq gyoengq doih iq caez bae euj haeuxyangz, "gaca" sing ndeu, vaek haeuxyangz couh duetliz gwnz go haeuxyangz lo, yienghneix, dou sikhaek dawz bae gwnz feiz ring gwn, naednaed homdiemz, beij gij haeuxyangz cawj ndaw rek haenx ndeigwn lai lo.

Aen suenmak laeng ranz daxdaiq dwg aen suenmak hung ndeu, engq dwg giz dieg guh' angq dou.

(Wuzsiz Si Lungzdingz Sizyenz Siujyoz roek nienzgaep (4) ban Lij Yiyauz)



Va' byaekyouzcai q Gyaunde

美丽的油菜花

Seizcin baez daengz, baenz benq baenz benq va-byaekyouzcai hai lo. Gij va' byaekyouzcai neix caen gyaue ha!

Gou mup daengz baenz raq baenz raq va hom, nyaenx mbouj ndaej buet haeuj ndaw reih byaek ba, sijsaey cazyawj va-byaekyouzcai. Va' byaekyouzcai dwg saek henjgim, va de gungh miz seiq limq. Gij va neix comz youq gwnz dingj gaenj va, ndawgyang lij cab miz di giuz iqet, neix dwg valup va-byaekyouzcai. Youq gwnz gaenj, lij maj miz geij mbaw byaek hung heuyau, bien mbawbyaek miz faenzgawq, lumj bienva nei. Ndwn youq gizgyae yawj, doenghnaz va' byaekyouzcai couh lumj benq haij henjgim nei, raq rumz iq ndeu ci gvaq, gienj hwnj fanhcieen langhva, ndeiawj raixcaix.

Ndaw reih byaekyouzcai, haujlai duzrwi gaenxgyaek haenx vungvung gongz dwk, nyaengq dwk, youq gwnz va' byaekyouzcai ceng gonq lau laeng aeu dangz, lumj dwg naeuz: "Gaej ciengj, gijneix dwg gou, gijneix dwg gou!"

Dou youq ndaw reih va' byaekyouzcai guhcaemz doxndoj, okdaej le, gwnz gyauej cungj nem rim faenjva, bouxboux naj riu angqfaengz.

Va' byaekyouzcai dwg gij siengcwngh seizcin, gou gyaez va' byaekyouzcai neix.

(sam nienzgaep Fanhconz)

Ciengz Fwnraq Rumzhaeng Ndeu

一场暴风雨

Banhaet, gou deng gij sing byaj "maenjhumhum" haenx cauz singj, yawj ok baihrog congheueg bae, gwnzmbwn lumj deng bouxlawz dwk boek raemxmaeg nei ndaemndatndat, seiz mbouj seiz lij bag geij diuz byajyap daej. Yawj yienghneix, yaek doek fwnraq lo.

"Hum hum hum!", sing byaj yied daej yied hung, yied daej yied gaenj, lumj roq gyong hoenxcienq nei cung gvaqdaej. Rumz hix daej couqnauhyied lo, "huhuhu" ci hwnjdaej, ci naedfwn ndik gwnz benjcw' ndit yiengj "dikdaek dikdaek", ndik youq gwnz gofaex, ndik youq gwnz dieg... gyoengqvunz byaij gwnz gai hung luengq iq haenx, byaij nyaengqfoedfoed, miz mbaeng ndonj haeuj laj yiemhranz bae ndoj fwn, miz mbaeng gang liengj laebdaeb byaij baenaj, lij miz mbaeng vunz, ndang daenj buhfw, gyauej gang aenliengj, cwxcaih soengyungz byaij dwk. Ciep dwk, baenz roix baenz roix liemzcaw venj youq gyangmbwn, mok-mumu. Ciemhcieh, rumz yied bongj yied

gip, fwn yied doek yied hung, aenmbwn lumj deng vunz gyongz byoengq nei, fwn doekcancan, mbouj dingz mbouj duenh. Rumz hix ci huhu, bongjafafa, sawj vunz lau ndaej dungxmbouq ndangsaenz, mbouj gamj byaij baenaj. Raemxfwn riengz aen gingqcueng laesansan, gij faex baihnaj congheueg bienq ndaej moengz-loengz lo, gij vunz byaij gwnz loh haenx mbouj raen lo, ranzlaeuz lumj yaek deng at lak nei hawj vunz dwglau, daengx aen daihdeih lumj bouxnyieg rap rapnaek nei, caih fwnrumz doegdaemh, conxgyongx, haeb heuj gengget dingjcengj dwk.

Daih' iek gvaq 20 faen cung le, rumz gipgip muengzmuengz deuz lo, fwn daj baenzbenq bienqbaenz diuzsei, daj diuzsei bienqbaenz le mbawgaen dingj-gyauej goengqbya. Raemx gwnz goengloh laecancan haenx, angqfwdgdw ciengq dwk go lae haeuj mieng lajdeih bae. Nga faex deng rumz ci raek haenx lumj boux vunzlaux deng sieng neix vang youq gwnz roen, vunz mbouj ndaej mbouj gvax roen byaij bae, ganj bae dieg guhhong bongfaenh. Diuz saidoengz ndeu, lumj aengiuq iq, lumj maesai, lumj seicouz nei venj youq gwnzmbwn. Yaep ndeu, aen giuz iq neix, diuz maesai neix, mbaw seicouz neix menhmenh bienq damh lo, bienq mbaeumbeng lo, youq gwnzmbwn lamzyubyub haenx siu bae...

(Gvangjsih Hozciz Si Sizyenz Siujyoz Fwnhyau Aumwnzcwnz Yau-gih roek(1)ban Cinz Ciuhijj)



faenzcieng banjneix dwg Veiz Yennaz fanhoiz